

sit sancta corpore et anima et sit digna deo^a Christo sponsa; cantans cotidie: 'Dilec- 798—804
tus meus mihi^b et ego illi, qui pascitur inter lilia', id est^c candorem^d virginitatis. ^{1. Cor. 7, 34.}
Memor esto virgines esse prudentes, esse^e et fatuas. Si antiquus hostis in te ipsa, ^{Cant. 2, 16.}
id est in corpore tuo, temptationis locum non invenit, omnino exterius quaerit^f, quo-
modo animi fortitudinem enervare valeat. Cui forti animo resistendum est. 'Non sunt ^{Rom. 8, 18.}
enim', ait doctor egregius, 'condignae passionis huius temporis ad superventuram
gloriam, quae revelabitur in nobis'; dum revelata facie videbitur Deus deorum in ^{Psal. 83, 8.}
Sion. Et virgo, quocumque ierit, agnus sequitur eam^g. ^{cf. Apoc. 14, 4.}

O nimium^b felix, cui nec felicius ullus¹,
10 quae, beataⁱ Dei genetrice ducente, omnia secreta caelestis regni intrare merebitur
penetralia.

Non nocet multum, quod iter² perficere non valuisti, quod coepisti, Deo aliquid
melius providente tibi. Expende in pauperum solacia, quod in tanti itineris^k viaticum
tibi praeparasti. Da quod habes, ut accipere merearis quod optas¹.

15 Habeto eius pleniter in corde caritatem, quem defensorem tibi petis in tribula-
tione. Non est diabolo facilis vastatio domicilii, in quo est habitatio Christi; a cuius ^{Psal. 90, 7.}
latere cadent mille et decem^m milia a dextris eius. Illum habeas, opto, consolatorem
in omni tribulatione tua, quem habebis remuneratorem totius patientiaeⁿ tuae.
Respice in eum, qui ait: 'Confidite, ego vici mundum'. Illius te aeterna potestas in ^{Ioh. 16, 33.}
20 omni tribulatione vincere faciat et palmam perpetuae beatitudinis accipere concedat,
qui ait^o: 'Dabo ei mannam^p absconditum, quem^q nullus^r novit, nisi qui acceperit'. ^{Apoc. 2, 17.}

Valeto in omni virtute et sapientia florens, carissima filia.

301.

*Alcvinus Alchardi Elmhamensis et Tifredi Dummocensis episcoporum amoris se com-
mendat. De Lullo abbate.* 798—804.

25 *Cod. H fol. 49'—50.*

Edd. F 206, Haddan and Stubbs Councils III, 551, J 230. — Migne col. 491.

SANCTISSIMIS ET VENERABILIBUS PATRIBUS ALCHARDO³ ET TIFREDO⁴ EPISCOPIS ALCHVINUS
LEVITA SALUTEM.

Deprecor piissimam bonitatem vestram, ne parvitas meae litteras praesumptivas
30 aestimetis. Vestrae igitur caritatis fiducia easdem scribere ausus sum. Quia humi-
litas christiana nullum spernere debet, sed omnes benigne suscipere pio dilectionis
gremio. Quam in vobis opto habundanter per Spiritum sanctum splendescere, ut
flumina de ventre vestro aquae vivae, id est doctrinae sacrae, sicut in evangelio ipsa ^{Ioh. 7, 38.}
veritas ait, sufficienter fluere videantur.

35 Vestrum est omnibus praedicare verbum Dei, omnibus lucere in domo^a Dei, ut
omnes per vos veritatis lumen agnoscant et per pascua perpetuae beatitudinis dedu-
cantur. Os vestrum tuba debet esse dei Christi, quia linguae^b auctoritatis vestrae
claves sunt caeli, habentes potestatem aperire et claudere; paenitentibus aperire,

^a) om. T*. ^b) est add. A I*. ^c) inter add. T*. ^d) candore H. ^e) om. T*; et non A I*
40 ^{pro} esse et. ^f) quaeret A I*. ^g) eum codd. ^h) Omnium ^{pro} O nimium A I*. ⁱ) beatae e eraso T*.
^k) itineris ^{post} corr. itineris T*, A I*. ^l) appetis A I*. ^m) corr. in decim H. ⁿ) poenitentiae T*.
^o) qui vicerit add. A I*. ^p) manna T*. ^q) quod T*; quem ^{corr.} in quam A I*. ^r) nemo A I*.

301. ^a) domum H. ^b) linguā H.

1) eundem versum laudat supra p. 39. 2) De itinere Romam suscipiendo cogitavisse videtur
45 Aedilburga. 3) episcopo Elmhamensi 786—811. 4) episcopo Dummocensi (Dumvich) 798—816.